



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vitae Sanctorvm

complectens sanctos Mensium, Aprilis, Maii & Ivnii

Lippeloo, Zacharias

Coloniae Agrippinæ, 1603

Passio S. Sigismvndi Regis Burgundiorum: ex ea quæ est per Gregorium,
Turonensem Episcopum, lib. 3. caq. 5. & 6. & Aimonium, lib. 2. hist.
Francor. cap. 4. Gladio consumatus est, Anno Christi Domini ...

urn:nbn:de:hbz:466:1-42716

labatur, ut ex sacro funere aliquod tanti mali remedium perciperet. Cumque homo iam operum corpus intelligeret, orat & obsecrat miser, ut vel aquæ paululum, qua lotum fuerat, tribuere dignarentur. Eam hominis fidem Germanus sanè admirans, iussit languidi membra perfundi. Quæ perfusus, ilicò fugato languore, paralyticus cõualuit, neruisque vigentibus, sanus & incolumis substitit.

Sanatur paralyticus.

PASSIO S. SIGISMUNDI REGIS

C. Baro 16:7. Annal:

Burgundiorum: ex ea quæ est per Gregorium, Turonensem Episcopum, lib. 3. caq. 5. & 6. & Armonium, lib. 2. hist. Francor. cap. 4. Gladio consumatus est, Anno Christi Domini 1226. Felicitis Rom. Pontif. 1. Iustini Imp. 9.

Gvebaldus Burgundiorum rege è viuis sublatò, Sigismundus eius filius regnum obtinuit, qui ductus pietatis studio, Agaunense monasterium solerti cura, cum domibus basilicisque ædificauit. Cùm autem priore coniuge defuncta, filia Theodorici Italici, ex qua filium Sigericum susceperat, aliam duxisset, illa nouercarum more, filium prioris coniugis tora mente auersari cepit. Vnde puer odio similiter in eam concepto, vna solennitatum cùm eam defunctæ matris vestibus ornata cerneret, cõmotus ait: Tu profectò minimè digna eras, ut hæc indumentis tua terga contingerent, quæ dominæ tuæ matris meæ fuisse noscuntur. At illa his verbis furore succensa, vin dicta quauis animam sanare die nocteque meditabatur. Tandem dæmonis fraude egregiè instructa maritum adiit, ei que persuasit Sigericum filium eius regnandi cupidum, nefaria

t. Maij.

Sigismundus construit Agaunense monasterium.

nefaria de nece illi inferenda consilia tractare. His ille incitatus verbis, iniquæ vxoris consilio vsus, iniquo se parricidio contaminauit. Nam sopitum vino post meridiem filium, membra quieti tradere iussit; cui alto iam sopore oppresso, sorum sub collo iniecit, quo duobus pueris id ad se inuicem trahentibus, suffocatus est. Quo scelere vixdum patrato, pater sera ductus poenitentia super cadauer exanime ruens, amarissimis illud lachrymis rigauit. Quo plorante, & lugubri exultu locum implente, senex quidam superueniens, qui dixisse fertur: Te, inquit, plange amodo, qui per consilium nequam factus es. paricida sanguinissimus: nam hunc qui innocens ingulatus est, necessarium non est plangi. Nihilominus ille ad sanctos Agaunenses abiens, multis diebus ieiunio & ieiunijs perseuerauit, veniam parati sceleris à Deo obrinere contédens: & sanctorum interuentu assiduo flagitans, vt iustus iudex in hoc potius seculo, quam in futuro puniret examine. Quam petitionem clemens & misericors Dominus benignè admittens, Clodomirum Francorum regem excitauit, vt bello eum lacefferet. Itaque Sigismundus audito Francorum aduentu, instructa manu obuiam eis ire decreuit. Sed factum est, commissio iam prælio, Burgundiones fugæ præsidio salutem quærere cogerentur. Sigismundus verò cum tutelam in saltu Agaunensi citato peteret cursu, à Clodomiro captus, atq; intra terminum Aurelianensis vrbis perductus, cum vxore & liberis carceri est mancipatus.

Tunc B. Auitus, qui in territorio eiusdem vrbit Abbatis fungebatur officio, rogauit Clodomirum, ne tam excellentis nobilitatis insignis que bonitatis virum neci traderet. Si, inquit, eorum te sanguine

Sigismundus
necat filium
suum.

Facit poenitentiam.

Sigismundus
à Clodomiro
Francorum
rege capitur.

sanguine
victorian
eos occidit
fossus gla
cumbes. C
dum vna
pina non
iussit: de
solicam sa
cum hono
cidit Cl
mundi fr
exitum,
consecu
lachrym
delere co
mortem
miracul
que, si sal
continuo
modo. C
triz, S. Si
digijs in

VITA

ex ea
circa

Q
P
fi
tis amor
In quib
sorore su
burga, c
à S. Boni

sanguine non cruentaueris, præclarâ de hostibus
 victoriam obtinebis: Sin spreto hoc meo cõsilio
 eos occideris, tu similiter inimicorũ tuorum cõ-
 fossus gladio, cum vxore & liberis turpiter oc-
 cumbes. Quod ille consilium reiiciens, Sigismũ-
 dum vna cum coniuge & filijs, in villa cui Calũ-
 pina nomen est, capite cæssum in puteum proijci
 iussit: de quo postmodum sublatus, atque ad ba-
 silicam sanctorum Agaunensium deuectus, digno
 cum honore sepultus est. Nec ea res impunè ce-
 cidit Clodomiro, vtpotè qui Godomari Sigis-
 mundi fratris gladio interfectus, eundem vitæ
 exitum, iuxta Auiti Nutiacensis Abbatis vaticiniũ
 consecutus est. Porrò Sigismundus qui assiduo
 lachrymarum imbre paricidij crimen in vita
 delere conatus fuerat, sanctorum consortio post
 mortem dignus habitus est. Quod crebra eius
 miracula præclarè testantur. Febricitantes qui-
 que, si salutare fideliter sacrificium obtulerint,
 continuò ab infirmitatis suæ liberantur incom-
 modo. Carolus Quartus Imperator amans pa-
 triz, S. Sigismundi reliquias, Pragam multis pro-
 digijs inclytas transuexit.

Sigismundus
 capite plecti
 tur, & in pu-
 teum cum
 coniuge &
 liberis de-
 mergitur.

Miracula
 post obitum
 eius.

Reliquiæ eo-
 ius Pragam
 translataz.

VITA S. VVALBURGAE VIRGINIS
 ex ea qua est apud Surium, optima fide. Glaruit
 circa annum Domini 750.

C. Baron. in
 not. ad Mar.
 Rom. & 10.
 9. Annal.

QVo tempore Anglorum gens, Gregorij
 Põtificis Maximi studio & opera ad Chri-
 sti fidem traducta fuit, multi eorum virtu-
 tis amore ducti in Franciæ regnum peruenerũt.
 In quibus VVilliboldus & VVinniboldus cum
 sorore sua Deo & hominibus charissima VVal-
 burga, cũ in has regiões venissent, VVilliboldus
 a Sbonifacio, Primo Moguntinæ Sedis Antistite,
 Eyste-

1. Maij.

VVinnibol-
 dus & VVil-
 liboidus fra-
 tres S. VVal-
 burgæ.